



Papal Jurisdiction Act 1560

1560 CHAPTER 2

Concerning the jurisdiction and autoritie of the bischope of Rome callit the Paip

.....

Modifications etc. (not altering text)

C1 Short title given by [Statute Law Revision \(Scotland\) Act 1964 \(c. 80\)](#), [Sch. 2](#)

In the Parliament haldin at edinburgh the tent day of Julij the yeir of God JmVc&lx yeiris and thairefter continewit to the first day of august nixt thaireftir following with continewatioune of dayis vpoun the twenty foir day of the said monethe of august The thre estaitis then being present vnderstanding that the Jurisdictione and autoritie of the bischope of Rome callit the paip vsit within this realme in tymes bipast hes bene verray hurtful and preiudiciall to our soueranis autoritie and commone weill of this realme Thairfoir hes statute and ordanit that the bischope of Rome haif na Jurisdiction nor autoritie within this realme in tymes cuming And that nane of our saidis soueranis subiectis of this realme sute or desire in ony tyme heireftir title or rycht be the said bischope of Rome or his sait to ony thing within this realme vnder the panis of barratrye That is to say proscriptioun banishment and neuir to bruke honour office nor dignitie within this realme And the controvenaris heirof tobe callit befor the Justice or his deputis or befor the lordis of sessioun and pvnist thairfoir conforme to the Lawis of this realme And the furnissaris of thame with fynance of money and purchessaris of thair title of rycht or mantearis or defendaris of thame sall incur the same panis And that na bischop nor vther prelat of this realme vse ony Jurisdiction in tymes to cum be the said bischop of Romeis autoritie vnder the pane foirsaid

Changes to legislation:

There are currently no known outstanding effects for the Papal Jurisdiction Act 1560.